


往生要集記 八





往生要集卷下義記第八

釋良忠述

第二往生階位疑決連續有十三重備驗今時惑業
 重者出苦要路於中初二舉_上而決凡夫生之義次
 一舉_上彌勒經而決凡夫生三舉_上不退而決凡生四_上
 舉九品解而決凡生五二舉_上世現量而勸心行相須
 六舉_上胎經而簡正雜七二舉_上一聞成佛而決唯行不
 虛_上三地菩薩方生淨土者諸師異解懷感道倫異法
 師等釋發光地元曉師及浮丘集意七地門中第三
 淨勝意樂地即當十地中初歡喜地也彼論立七地
 十三重_上一種姓地是名種姓住二勝解行地是名勝



解行住三淨勝意樂地是名歡喜住即是初地四行
正行地此對六住一增上戒住即是二地二增上心
住即是三地三覺分法相應增上慧住即是四地四
諸諦相應心增上慧住即是五地五緣起相應流轉
止相應增上慧住即是六地六無相有功用住即是
七地五決定地是名無相無功用住即是八地六
決定行地是名無學解住即是九地七畢竟地此對
二住一最上成滿住即是十地二最極如來住即是
佛果云溜州撲揚等釋十地中後三地今勸地前等
者問上來無勸三賢及聲聞往生何云今勸等耶答

是群疑論言今文雖無勸地前文而為立義引釋也
答淨土等者以二義成凡夫生淨初勝劣義瑜伽約
勝雖取三地若劣淨土何妨凡生二報化義瑜伽雖
報何妨化淨土凡夫為機若依勝劣亦成凡夫生報
之義若依報化即成凡夫定生化義淨土差別等者
於報土中有此別欵見次下文引群疑論而彼論意
舉四相對第四對釋依佛願入故差別者於報土中
容有鹿妙海東元曉立四種淨一究竟淨仁王唯佛
所居二一向淨八地已上所居三純淨離有漏生滅
四不退淨極樂界也下文設非報土等者於次義致

斯問也。問有人云：瑜伽論文於淨土更不論勝劣於
往生亦無上下差。凡夫往生唯是密意感師何作淨
土。差釋答有人云：非約瑜伽意判淨土。鹿妙凡夫往
生勸化淨土也。今云瑜伽論文自力一途不遮佛願
具如宗要道宣律德云等者。出法苑珠林並諸經要
集第二問上引三地菩薩等文何重出之。答論文只
云淨土不論報化之別而引律德云報佛淨土者即
為證不遮凡夫往生化土也。天台云等者淨名疏一
云一明同居土者無量壽佛國雖果報殊勝難可
比。喻亦染淨凡聖同居何者雖無四趣而有人天何以

知之生彼土者未必悉是得道之人。故經云犯重罪
者懺悔念佛業障便轉即得往生。若但聖生凡夫何
得願生彼土。故知雖具感染願力持心亦得生也。已
運云願力持心者行人願力及佛力也。已問持心何
義。答攝持信心義也。又生彼國已佛願持心不起漏
染而居住淨土也。惡律儀者法華經云旃陀羅及畜
猪羊雞狗豕獵漁捕已俱舍十五亦列屠羊雞猪捕
鳥魚等十六人類得惡律儀由二種因。一者由作二
由誓受。一由作者謂彼生在。不律儀家初作殺等起
加行時便發惡戒。屠家見教起誓心輕不發惡戒。二

由誓者謂生餘家為活命故懷殺害心便發誓言我
從今日至命終當作如是事業益活自身起誓心時
便發惡戒無文證者問必至定聚願等其文何云無
證答處不退義經說雖多論藏不列故云無證如
天中等者鈍根羅漢天中無退純正無邪等者無邪
師等唯淨等者無染五境也此五緣等者問由此五
緣其處無退土体天然德義不退之義無之答土体
本自不退之上亦備此德也又此五緣即不退義何
更有土不退也九品階位等者上輩之內舉五師說
群疑論中舉六師釋今除彼第二第三師加力法師

彼論但皆云有云今云力法師基法師等依龍興釋
言中輩之內亦舉五師力師同遠故四說別群疑論
亦舉四師說除力法師下輩之內不舉異說彼論亦
同上三品中諸論等者初地無生在大論等忍位無
生出攝論等問忍位何位答法相宗談第十迴向立
四加行彼第三位也此等文全寫群疑論本業瓔珞
在十住華嚴在十信者疑問云瓔珞經無生忍十住
義如何大師釋云瓔珞偏存別門云義推可在初地
况經文不明欽華嚴十信無生忍甚以不明彼經無
信位明文况判無生法忍乎宗釋云唯華嚴起信彰

灼明文十住八相云以斯一解釋疑彼二經而已遍
勘諸文皆十信云今云疑問意存證理無生以天台
釋疑彼二經只指不退云無生忍未悉證理可通淺
深故迦才立四種無生慈恩懷感明四不退華嚴十
信者法華記云彼經不列十信之名唯於住前觀十
梵行自古講者判為十信故今列之以為信位已占
察經相似無生者問指何位乎答群疑論云在十信
前凡夫位已一行三昧者觀一如理得一行名也委
如禮讚記善導禪師等者雖舉諸師光明大師以為
指南故祖師云慧心盡理定往生得否以導和尚釋

為指南也然則用慧心之輩必可歸導和尚也已凡
震且人師大師以後於九品機悉存凡夫誠德之至
也方便以前者釋為常沒凡夫等故知未入五十二
位也難云誰知十信即常沒凡夫答淨影觀經疏云
善趣已前常沒已導師所判同彼解欵違理之義雖
為所破順理之文多依用故經論多依文等者如文
句三引攝論云了義大乘依文判義已天台有二無
生等者別教初地圓教初住問今師意許上上品即
悟無生是證位無生答有云不尔依導師釋九品機
分判方便前故處不退但出天台二無生者證悟無

生忍有遲速許也。今云光明大師釋九品機，雖云常
沒生後得益最速疾也。或云十地願行自然彰，或云
三明自然乘佛願等，依佛願故證理亦速。全異諸師
自力情釋。若余今師亦依大師此土機淺彼土益深
莫例餘處等釋，即其意也。若處不退無生，可云即悟
無生淺位無生，何勞費言。乃至惡趣身亦有頓證者
龍女即其證也。又因廣出惡趣得道者，九云又在
九界修三學，唯在地獄縱無現行亦容發習。比淨名
記云以三途中亦可發習能生三乘及六道。因比運
云三途至宿習者，輕繫地獄說耳。比妙樂云輕繫地

獄尚因佛出，乃至有一念厭惡之心，後方得離。上比少
分速於斯者，問許有速於今上上益者乎。答不然。既
云汎論九品，知於餘品許之。大士九品攝不者，和尚
義寂不入淨影攝入。問若等者，問他力往生未法易
得之法，何云近代求者千万得無一二。答集無實行
者，名為千万近代實行設雖千万而無一失。故札讚
云十即十生百即百生設雖下凡三心易具，往益何
難。此乃為勸安心舉非實者也。信心不深若存若亡
等者，問其相如何。答初信弱故存亡叵定，行亦軟弱
如攝論云：若人有信心，則於善無厭次，信不二故不

專一行業不成就後信不續行亦廢退問此三信與
誠等三心同異如何答今釋三心中信之三相彼惣
今別雖舉信心含攝餘二又此三信即誠等三直心
迴願則由信力故云三信問如誠等心通於淺深三
信亦通答理推可然問若余下機多分若存若亡可
不生何答如忘本願嫌之若亡縱雖下機而隨分信
佛願甚妙何不往生二河白道之譬思之云祖師口
傳如餘處記有人疑云今何不引實相身等之文答
有云誠以不審若信心發自可具之又下根念佛信
心為先故引三信往生可足若欲捨專等者正行云

專雜行云雜具如決疑鈔如上者指禮讚等者問百
即百生往生唯在稱名何指五門答此約助正兼行
之機長時等者時約時分修約作業二師無過者問
二師何異答大師釋云畢命為期感師釋許長時短
時皆得往生一往似異若長短通畢命為期二釋應
同故大師釋上上品時舉長短時云大意者等懈慢
國等者問其名言何答經云皆由懈慢等智首鈔云
以毀責故名為懈慢約人得名上問淨穢中何答感
師意許化淨土欵問為極樂內答經云去此十二億
等十因云亦於道中且有懈慢上知極樂外也但平

等覺經於極樂內說懈慢國同名異體難云智首云
懈慢國者即疑城也為中下品上比珍海大同答恐違
經文問有佛來迎答群疑論六云佛來迎即是西方
淨業成豈容佛迎而生懈慢國上問有能化佛耶又
不具三心之人生耶又有退耶又無佛迎自力生耶
又化生耶答群疑論彼國為彌陀化土而不判能化
有無又信行極樂之人執心不牢故墮懈慢界轉生
極樂雖無佛迎何離佛力又經不見父母緣前後發
意等者有云古今之時有云進退之義也心不牢故
深著懈慢等者問生淨途中見懈慢國著生彼耶何

答感師意云生淨佛迎佛慈來迎不可生彼云問若
余何時見懈慢國答業熟彼故臨終時現彼影像欵
一人能生等者執心牢固機釋云由餘業等者香象
疏也六十華嚴第信念佛者等者帳元壽因緣其證
也下下品依宿善等者問為同淨影答宿善內熟佛
願外攝異彼師釋問此等釋許依宿善生異大師何
答釋由佛願強不違背大師亦引覺經文許宿善往
生
第三往生多少分三初舉此界他方往生二此諸下
選取此土少善往生以宛自分三問答決疑多少者

為顯化益多義一劫未竟何云少也顯多為顯頑魯
有多不退菩薩等者問何位菩薩答既云次如彌勒
可是深位故義寂云此是影響故往生未必入於三
輩九品比諸小行者寂云已入十信漸連以上在上
輩小功德者未滿漸連以下在中下輩比問不退菩
薩往生易故可其數多少善根等往生難故可其數
少何故彼云六十七億此云其數不可計乎答象云
於穢土難時不退故其數良少依少功德往生彼國
是易故其數多今云是未必然隨宜舉之十四佛國
者加此國故少善往生者淨名妙記釋雙觀文云下

至十念臨終一念皆得往生故云少善上今釋依之
欵云感師意云大經言小六字数少小經言多名号
功多如如意珠餘師釋如法事讚記輪廻業者妙云
人天戒善欵

第四尋常念相分文為二初分四業二疑決業益一
定等者定散相對約心攝散相無相對約智淺深定
散別論束為有相轉入無相不離前業象云問散有
相定無相可為二何為四答誠散有相定無相理觀
理觀非散定業可且有相無相云今以四句聊分別
之或有定非無相但觀佛相好或有無相非定理解

未及觀達上品中生或有有相而散唯稱佛名或有定而無相理觀通達觀畢竟空等者觀察門中雖遮無相今舉衆機非集本意此機頓悟漸修之人靈芝等釋多舉此機即以下釋三諦之旨對文可知三段文者如次空假中之三文如上所引問答中初三番決往生果益次一番決彼土品位三四番決此土見佛後一番決往生因緣問依淨土經列定散業業必有果何更有疑答上列四業為成決疑決疑意在引證堅信雖並二業意在決劣散與有相雖經所說今引研竅勸化愍也或深或淺等者一云深即定通事

理之觀以次文云即甚深故淺即散局口稱之念次文云不妨諸務故一云觀通淺深稱通定散其義可知十地等者感師云雲比丘是聖人大菩薩雲自修此行亦授善財故云深法甚深法者雲比丘為善財廣明七五種念佛三昧問為念佛唯局甚深答通於淺深如玄義記觀涅槃等者問觀涅槃非有所得何答以情愛執故有所得我見等者如上記也有聖教者佛藏經第一卷并無上依經等有經言等者般舟經也依云賢護經第二云次第得空等者問必初觀色後觀法身答大都可然若據頓機直應觀空象云初

心之人，唯有相行，可得往生。後心之人，可移無相云云。
問念等者，上下問中，並標四業，為決劣業。往生見佛，
今嘆四業，直名念佛，為決劣業。九品因由，如說行等，
者問其分齊，何答有云，具大心解之人，念佛得上，
上今云未必然，如選擇及鈔問勝劣，往生俱是佛說，
何局上上云，如說耶答上上，行儀說本意，故是示一
端等者，弘六云，如判往生，據行優劣，何當凡品亦為
攝凡，又略而說，比今念佛者，雖通四種，抽稱名為問
答，正意下品，稱佛屬一端，而亘九品，故云唯除別緣，
者雖散心，依佛加別緣，得見佛，如章提拜三尊於空

中月蓋感聖容，於門闍又香象起信論云見佛者是
過去修習念佛三昧，乃於此世得見佛身，非謂今世
要依定心方能見佛，以散心中亦見佛，故比無相見
佛者，問無相觀何見色身佛，答弘二云見色身佛，雖
非本期觀力使尔，比無相法身三身相即無相，即相
相即無相，故因位人雖觀無相，先見相佛，方達無相
也，或亦見佛者，或者不定無相，必見對之云，或也於
有相觀混本自情，見佛不定，若依佛力觀成見佛，故
云或亦則為垢等者，九夫有相心為煩惱所污，故所
見猶垢，此等經文為觀無相，嫌有相也，其意應知三

身不異者問泉云問二乘小行菩薩於余前座聞三
身不異旨答聞入已教各異解故如不聞比但見化
身等者問經云微妙淨法身具相卅二如何答色即
空故即化觀法身體故云法身具相而以異空色法
身豈不邪乎依經等者觀經等也自善等者如次行
心若於自分論因緣義自善為因自願為緣如業為
因煩惱為緣今對他緣善願同因三弥陀等者親疎
雖異對自善等同是緣也釋迦護助等者彼經下云
佛言要當齋戒一心清淨晝夜常念欲生無量壽清
淨佛國十日十夜不斷絕我皆慈愍之悉令生無量

清淨佛國

上巳

第五臨終念相有十三重初三重決念相二三重決
念力三五重釋妨四二重對尋常初中先引四種異
義次引弥勒經下下品十念同別義三明臨終一十
念由但憶念等者考彼本文隨下下經稱名為正兼
於諸念故今憶念稱名所包之惣別念也設雖愚闇
苦逼下機想西方有所求國土所歸如來可屬惣相
又隨分或念法身不共或念相好光明或念本願攝
益名為別相又下下人雖唯稱名釋家以觀添下下
稱如釋上上品受法明單複具釋時節明延促異也

委如安樂集記聖者一數之名者聖者弥陀一數以滿為一數也又數者謂種也稱名對觀云一種也業道成弁者竹谷云雖發三心非業成弁許有退故具三心上決定生因不退謂之業道成弁云先師云三心具足念佛行皆決定往生云業成弁雖業道成凡夫故許有少分退亦依聖教者明觀念數出觀佛經明稱名數在木槌經又觀經見以聲數之有云者此舉義寂本願十念一義義寂釋十八攝取至心欲生願引下下品云准此等文經十念項專稱佛名名為十念也此言念者謂稱南無阿弥陀佛經斯六字項

名一念如一心見道非唯一生滅於一類境事究竟名一念非限制那數量多少也此已上四義前三十念通冠觀稱後一限稱又第二十即呼滿義前後三義記頭數也次問弥勒等者義寂尋上而起問云問若尔何故弥勒問經云如佛所說願阿弥陀功德利益若能十念相續不斷念佛者即得往生當云何念佛言非凡夫念非不善念非雜結使念具如是念即得往生安樂國土凡有十念何等為十者於一切眾生當起慈心不毀其行若毀其行終不往生二者於一切眾生深起悲心除殘害意三者發護法心不

惜身命於一切法不生誹謗四者於忍辱中生決定
心五者深心清淨不染利養六者發一切種智心日
日常念無有廢忘七者於一切衆生起尊重心除我
慢意謙下言說八者於世談話不生味著心九者近
於覺意深起種種善根因緣遠離憤鬧散亂之心十
者正念觀佛除去諸想如此十念其事甚難云何苦
逼不違念佛而能具起如此十念上答諸師等者引
三釋中初有三義一十聲項具慈等十則成兩十二
十念言限慈等十不涉稱念三十聲念各具慈等十
則成百念今缺第三釋云又此十念雖九所起非九

夫事故云非凡夫念專心稱佛非餘念間故非不善
念非雜結使念如是相續經十念項一今念中自然
具足慈等十念當知此念豎論其時經於十念橫論
其事則其慈等不可以非凡夫念言高推上地於自
免脫令修因者生懸岸想以觀經中依下品生說十
念故又此經中唯除五逆誹謗正法不言除於凡夫
等故上此之三義稱念慈等同時相須感師迦才以
為別業云不別緣等者有人云不知彌勒問經說者
至心稱佛自然具之若尔三歸得戒之人本為得戒
歸依三寶彼此要期不同何例答有云然也彼經不

論知不知自然具足但至例者只取自然具義不論
要期不同稱三歸等者舉有宗意須疏云依經部宗
受三歸名三歸近事後說五戒相名五戒近事受三
歸時未發五戒於此五戒隨受多少皆發得戒若薩
婆多宗受三歸竟即發五戒要須五戒方名近事上已
論本第十四又可具足十念等者問兩釋別何答妙
廣明兩宗諍云上釋付十念於稱名之間具慈等也下釋名十念
於慈等慈等十念之上一稱多稱悉可往生問本願
乃至十念具慈等十尚以難成况乎十念直屬慈等
永沒稱念何可得耶本願中云乃至十念願成就云

乃至一念只是稱名多少又觀經中上云具足十念
下云於念念中此亦稱念多少如何答二經同說往
生念相故願生人兼帶兩念故兩經說雖約一邊有
相須理今義不壅如三經文論一轍義問依後釋意
別緣慈等答能具足言順別緣耳問縱逆者若具足
慈等之上可許一稱必生如何答此義意慈等十
念為本不依稱多少故問彼造逆者臨終何具慈等
十念答難知云三問雙觀等者上來雖舉衆義而承
唯稱十念之義致疑決也集意但稱佛名以為臨終
念相問觀經下品有一念生何舉雙觀答准感師意

耳極惡者逆謗人也。決念力中初標法喻。因力緣力
參雜二顯臨終心力。三顯佛名即体。那先比丘經者
上下兩卷。今下卷文。比丘言兩俱死等者。問上王疑
問重猶決之。答不然是別問答之文。經云王復問那
先第七梵天去是幾所。耶那先言甚遠。令石大如王
殿。從第七梵天上墮之。六月日乃墮斯間地。取王言
卿曹諸沙門言得羅漢通。如人屈伸臂項以飛上第
七梵天上。王言我不信。是行數千萬億里。何以疾乃
尔耶。那先問王。王本生何國。王言我本生大荼國。
國名阿荔散。那先問王。阿荔散去是間幾里。王言二千

由旬。合八万里。那先問王。頗曾於此遙念本國事否。
王言然。恒念本國中事耳。那先言王試復更念本國
中事。曾有所作為者。王言我即念已。又那先言王行
八万里。反復何以疾。王言善哉。王復問那先。若有一
人於此。俱時死一人。上生第七梵天。一人生罽賓。去
是七百二十里。誰為先到者。那先言兩人俱時到耳。
王言相去遠近太多。何以俱到。那先問王。試念阿荔
國王。王言我已念之。那先復言王試念罽賓王。王言我已
念之。那先問王。念是兩國。何所疾。先王言俱等耳。那
先言兩人俱死。一人生第七梵天上。一人生罽賓。亦

等耳那先問王若一雙飛鳥一鳥於大樹上止一鳥於小卑樹上止兩鳥俱上誰影先在地者王言影俱到地耳那先言兩人俱死一心生第七梵天上一人生剎賓亦俱時至耳王言善哉已問引飛鳥文其意如何答同經文故引之令知業力難思一者在心等者如論註記起一念邪見墮阿鼻者如四禪比丘等之類但彼得禪今十善也臨終猛利者問臨終必起猛利之心可得往生答末必然也命終心者小乘許通三性三受之心捨受時劣况大乘意三性之中唯是無記三受之中唯捨受心縱將命終許通三性三

受之心順昧劣心故次第可暗觀經汝若不能念之文即昧劣證又感師許以無記經於多日尚得往生難云大論釋臨終心云如火如毒相違如何答勝願院云若約一機作是說歟多分劣於平生心也云云又最後心雖是昧劣將命終時心多猛利故論之意余又群疑論往生人許喜受命終云問平生臨終何作業勝答明了之邊平生為勝無後心邊臨終為最又珍海決定往云應云現生十念雖有後心思業成定業例如重罪後雖小悔不能除過已上廣叙安樂集等者如彼記釋今加之等者十箇喻中第一出觀

佛第二九在華嚴第三以下六辟在涅槃經第十那
 先經也石汁者是水金軟有云仙藥也此辟亦在大
 論十七羴羊者如次男女涅槃九云辟如金剛無能
 壞者唯除龜甲及白羊角已上大論卅二云著龜甲
 穿沙訶藥者有云阿訶陀也涅槃廿五云雷山之中
 有上香藥名曰沙河已上廣說孔雀等者有云修文殿御
 覽云三百六卷書孔雀為鳥不女叵合以音韻相接有孕
 上尸利沙者涅槃云此樹菓先無形質見昴星時則
 出生足長五寸已上隨文梵語集然云尸利沙唐云合
 勸樹已上有云過去尸棄佛菩提樹出心地觀經大論

云等者出第二十五勝百歲行者是無後心故又臨
 終起一念善心一切善法集生助力况猛利心惡念
 亦正觀記意故勝百年業最可用心也如阿羅漢捨是
 身著者阿羅漢斯云無著或離無生謂亡果無著滅
 因無生亡三界果云捨身著有云指入無餘安樂集
 等者如彼記釋妨中黑繩死還生阿鼻獄者問阿鼻
 業盡既生餘獄何還生彼答此義難知但阿鼻業雖
 未悉盡餘地獄業先強熟故重引生彼阿鼻餘業猶
 在不盡故還生也凡謗法罪重故如此經歷諸苦一
 切明王佛者有云指惣諸佛下云值九十億佛故今

云不尔一切明王佛别号值億佛者出獄以後亦值多佛問值多佛者為限生身答多是教法了義燈七云是值佛者有佛教法從他聽聞慧名值佛雖有佛教無人傳說名無佛世上探玄記云值恒沙佛者繪像木像上問既值諸佛何不得道答有值佛像無出離因不得順忍者有云內凡忍善也有處說彼忍名順忍問若尔已前善得之耶答所得位善未決十萬億歲如救頭燃豈無分得忍位不墮惡趣故且舉之唯造五逆等者群疑論舉十五家中第三師釋似鸞師釋五逆不定等者彼第十一師當義寂一義有十五家者憬

興大經

云從昔會釋自成百家上逆十餘一皆是不

定者問要記觀云逆者十念不定可然余者一念何為不定是謬之謬上此破何救答既許逆者十念不定餘者一念何無其理餘者一念宿善厚薄平生臨終可知逆者十念不定宿善有無等者疑問云此一段料簡有多不審一者何不載天台觀經疏乎非唯此中一部三卷都不引用此疏有何意乎若疑此疏不用者師匠慈慧僧正依疏註九品往生義門人何不用哉二者十五家引感法師義善道集記何不引之哉此師集記者阿弥陀如來面指授云念佛宗人

誰不用之乎三者逆者十念往生不定義志難思自
釋成云由宿善有無念力別故二義共有疑造逆之
人十念成就希有之中希有也非最強宿善者何因
有此事故上云彼一生作惡臨終十念即得往生多
是宿善內熟今聞云上下似相違次念力別故義一
生造五逆最後唱十念者反極惡為極善也量其念
力定可強盛何有念力差別致往生不定此等義非
聊介善思擇之上有會云此有三疑次第答之不載
天台疏與淨影疏無少不同淨影天台出時雖同時
淨影是前記大師或時引諸師釋切入自章疏今觀

經疏取淨影釋為自解釋知此子細之人知非大師
御釋強不翫之欵法聰知禮作末書者重大師御釋
之故欵不引善導釋者彼師解釋出沒不定唐土人
師僅見玄義分不知餘卷慧心同不見餘卷欵宿善
有無念力別故業因感果凡情難測上毗會通多分
同之妙云宿善有無力別故者疑問意存二故見之
一釋也但其上猶彼疑有之上今云若一釋者由有
宿善念力強生由無宿善念力弱不生難云若無宿
善何遇念佛答僅值聞之不及深信但誰人無一毫
之善今少屬無可云微值遇宿善上及往生深厚宿

善即結緣機也若云二釋者有宿善者可生念強者亦可生不生機翻此難云由宿善力念有強弱何云二釋答機類万品何執一隅但先義勝問此釋唯局臨終之人答如疑問者云臨終人此未必然宿善有無可通平生臨終尋常念時別者無後心故臨終念生有後心故平生不生或約一機臨終猛利故得往生平生不猛故不往生妙云問餘人唯依平生十念可往生手答一義云可生也難云四重等人平生稱名其後造惡以前功力可往生乎答不可然也如上釋成念佛犯戒者藥之文重尋云若尔凡夫之習平生

十念以後不造罪人難有如何答實其類希而修善後住無記心之人可生出群疑論第七已上餘義有之可見彼抄今云此義不許平生業成如何修善以後作惡無生不生義禪林要記述成二義披彼知之珍海所釋如上所引報時俱定者對報定時不定時定報不定等之業云報時俱定尤部不了者十二部中即除方廣無問授記或說十一除方廣一或大小乘各具十二異說不同密意說者撲揚云凡言密意不盡理故上一切業悉皆不定者問於大乘都無定業耶答決定往生集云大乘法中雖無自性決定之

業而有因緣決定業也此自性決定因緣決定分別者。是私案也。依宗意耳。一決定二不決定者。智故不定。愚故決定。或有輕業作重者。經三十二云。若具五事。令現輕報轉。地獄受一者。愚癡故。二者。善根微少。故三者。惡業深重。故四者。不懺悔。故五者。不修本善業。故。復有五事。乃至五者。親近惡知識。故。阿闍世不入地獄者。問。普超經下云。舍利弗。王阿闍世所入地獄。名賓吒。晉曰集欲。適入尋出。其身不遭苦惱之患。上又云。王阿闍世從集欲輕地獄。出生於上方。去是五百佛國。其世界名莊嚴。上何云。不入。答。今依涅槃

槃經。經異說。涅槃經二十云。阿闍世王若不隨順者。婆語者。來月七日。必定命終。隨阿鼻地獄。上又雖隨速出。亦不受苦。故云不入。鶯崛摩羅等者。此翻指鬘。准賢愚經等。依邪師教。殺於千人。而取一指。以為鬘飾。冠首。必得天上勝報。將害如來。時佛言。何守鄙志。捨善本乎。聞之悟。非入法證果。未得解脫等者。本贊云。言解脫者。謂世道伏斷。乃至得聖成無學等。即同涅槃經。未入佛法。名決定業。若入佛法。名不定業。上已。栖復鈔。此釋約斷惑。依佛加等緣。我等所修。亦滅定業。今師感師等之釋。其意也。放鉢經者。普超經同本。

異譯彼云若善男子善女人宿命殃惡未盡死當入
泥梨中懃苦一劫皆得善師教悔過一日一夜各三
持經戒不復作惡一日一夜者頭痛身熱諸病悉盡
不復入泥梨中上巳六劫乃至為輕受苦者問要記舉
此釋已云今云不尔極樂受苦誰有智者許之乎何
况轉重輕受後世重報現世輕受豈於淨土得輕受
上巳此破何救答鸞師云十二大劫償娑婆古業取今
釋依之欵問此釋猶不明於現世可受之何於淨土
受答可受重苦何處輕受不背轉重輕受之義欵問
於同惡果可判轉重輕受然今下品人依十念出於

三界是非轉重輕受之義答是一徃釋非實苦故泉
云今文通別意也圓何有輕受之義上巳尋常稱名不
應如彼者問不論平生臨終滅罪多少可思強弱何
答尔也但臨終心多分強云不如彼若觀念成等者
問如觀佛經見不見俱滅罪同何答多分觀成可滅
罪多約此理釋隨心淺深等者問平生心深許同臨
終強心滅罪答一云可然如先釋成一云不同今問
答意尚存臨終心滅罪多然者平生但稱名不及臨
終隨心淺深許隨分益如前利益門者問指何文乎
答前念雖滅衆罪後念更造罪等文也首楞嚴三昧

者此翻捷相也

第六鹿心妙果有九番初三重明樂世善根必至涅槃二一重明無敬信者一聞名益三一重明染心有益四二重明謗厭有益五一重央所益果相六一重會諸文不同欣世樂等名云鹿心得涅槃果說為妙果立科意者以鹿心益况顯淨心佛力難思淺深成益誰有智者不期直益也初久今輪迴方得涅槃初樂世善於中間生何不酬乎至涅槃者問已酬未酬俱至涅槃答台宗論義多分義云俱至涅槃云業果之理等者以諸善業順問以鷄狗業違問是故等者

成義意云鷄狗願樂不得邪見業故諸善不願終至涅槃真善妙有故是故隨業不必由願久今輪迴者問所引經云不久當出相違如何答所望不同以結緣者對大心人名久流轉對未依佛名為不久問敬心發心應是出世勝心何合樂世善根况敬信外並餘惡業非於佛善如何答所引正意止在釣魚樂世於佛如吞釣魚必得涅槃如疾出池樂世善根微劣大心其義相似互顯無乖又憑佛樂世何非敬信發心於佛名信樂世餘惡以染心等者於奉行法身菩薩發媯染心准之亦可於佛起染心也密迹力士者問為

一人神荅普通廣釋云云者域等者者域耆婆有同異諍可云二人俱備兩各具如序分記無陰種諸入者陰入界也俱舍云聚生門種強是蘊處界義已既云等者媼是欲恚怒是惡狀癡是誹謗也當有等者問得至涅槃由有悔心何云鹿心界也荅悔心生元在一緣佛餘直造惡非如是故謗狀佛即重一次疑決了莫致遲疑謂彼等者如彼緣力闡提墮地獄時續善根也問諸文等者果體廣通三乘故疑上來菩提涅槃定體荅中雖有三乘之果實果止佛故法華指一實佛乘為淨土法以三乘教為方便說又涅槃

經以佛性即為決定義故今果體無上佛果也問佛果種子可通三乘耶荅性宗意許一切衆生皆當作佛故下種但可局一乘若下權種得其實果豈伊蘭種生栴檀菓今初竟者雖下大種其緣微弱流轉五道適遇佛出濁障重故無一乘益故如釋迦鹿野說權法華會實也

第七諸行勝劣標立意者念佛餘行並云諸行若往業中念佛雖勝若餘法中念佛是劣不足信敬辭如非健所好弱弓貪者所尚鹿食不以為好故於餘法重判勝劣還以增長往生信心念佛行體本自最勝

強引愚凡於理無疑釋有二重初判勝劣次決疑滯
初問意者上來諸門往業相盡今更欲決對餘勝劣
余業中者三業等業也答中引五文今集雖是稱念
為要念佛行相廣通觀稱事理今依所引應知其相
初六辭中初者藏實如諸行念佛如一金凡愚易持
合十六兩行相剪略合十六寸十六兩亦是狹略義
四朱為一分四分為一兩十六為一斤十六寸量且
從斤量十六是一數法故涅槃分佛性為十六分此
金等者念佛滅罪等益悉勝諸行如諸文說此行剪
略穢質持金念故云置泥不合名利不識是金二者

念佛是果海故喻王寶印雖欣易昇進六賊來侵雖
摧有漏身體念佛心印永不壞敗六兵者是六府也
謂左右近衛衛門兵衛餘行善種雖不敗壞隨生納
福非如念佛得菩提果三者念佛最勝而化淺機念
佛功多故合寶珠四者念佛語密猶如神咒生善功
甚故合降雨五者念佛行人如持珠人雖在感纏乘
佛願船能到彼岸力士髻中明珠者問不限輪玉餘
凡下類有此珠乎答今文余見六者念佛三昧即薰
果地涅槃不生不滅之體修性一如金剛山等者問
須彌七金劫盡摧滅指何物乎答有云指金剛座欵

問本際者指金輪際乎若余劫盡三輪悉壞何殘金剛答金剛座有壞不壞義如靈鷲山衆見燒盡山則安穩今取不壞證道八相成道不息何無金座行是定等者依此念佛證過去佛實際理也問何別舉過去答過去已定故也例如云皆已成佛道又直可指諸佛所證然舉過去且順不住本際辭欤易行道者問鸞師等意屬淨土門相違如何答師師意別問於人師釋且置不論論文既云得生彼國亦云疑則華不開等如何會之答此章不退可通二土彼土益者云得生故此土益者准餘佛故今引證此土益也

况願文誓此土不退故論不退義通二土故無相違於此論文述三義具如決疑鈔其中廣讚彌陀等者說教多故諸佛之中彌陀願緣厚於此界益物異他故易行品至彌陀章慇懃勸之若依此義彌陀名号獨成勝義問稱念餘佛可屬餘業答往生行中餘佛是餘六七兩段舉通佛德彌顯彌陀智慧之業無上等者與上禪定人雖第五六異今讚定慧均等之業故知一人王三昧者大論文也決疑滯中一念信解者天台宗意名字即等對眼耳之色聲係意識之染淨本自明白莫非實相故中論云因緣所生法我說

即是空亦名為假名亦是中道義如是觀慧名為信
解偏圓差別者台家立四教前三教名偏第四名圓
為化淺機權說名偏為化深機實法名圓大集等者
法華以前當機成益設雖說圓不歷餘教故約一教
若至法華開會諸權故圓望偏問觀經所說念佛何
攝答靈芝釋云准知一代弥陀教觀皆是圓頓一佛
乘法更無余乘上已知礼承天台頓教釋云化法純圓
定有二等者初定慧均等故為勝次唯定無慧故為
劣判二定相具如弘決
第八信毀因緣有其標釋信毀翻對故為一段以信

因緣致阿惟越以毀因緣得五劫苦文分為二初明
信因緣二問不下明毀因緣初中有三初明開信益
二明聞不信三明薄福聞書學等者聞已而信信心
書持也問值百佛問何聞無學答雖有劣故今舉勝
學問值百佛者何無得度答機類不定又值教法緣
云值佛歎最後守者有云遇百佛後得不退轉即云
最後守是持義問若尔等者以上般舟難世不信答
依覺經立聞不信聞有淺深淺聞不信聞如不聞深聞
即信如般舟說故無相違生死因緣者受生死之間
有不思議善惡因緣也難知其緣者以真如法常薰

習故無明將滅冥益此彰約惡串習故云難知始覺吐用故須得聞烏豆聚等者希有之義出俱舍論辟苦中有樂成論云有漏法無樂問佛等者上雖云難知其緣而為吞出四位更疑決也於八萬歲等者妙云說處何經覺法印云未檢得之云云善惡有四位別等者為決具度不聞薄德輒聞之疑則分四位薄福輒聞當容預句又具度不聞當交際為障所障如般舟經云我昔欲得聞是三昧承事其師三萬六千歲魔事數起竟不得聞已疑問云此四位釋甚妙甚妙抑此妙釋自宗有憑據乎又善趣衆生聞無益者

容預位也惡趣地獄一聞佛名皆得解脫不審皆是交際器欵人聞善趣舉為容預泥梨罪人皆以為交際已有會云自宗章疏中未檢其文泥梨衆生預交際益此事誠難思被逼極苦生猛利狀離預其益欵諸佛感應受苦衆生為先云此會通猶不明如何云交際人者釋捨凡入聖時以惡趣難屬交際但強攝此四誠交際攝欵定難屬餘三上毗云人天之中有適聞法即開悟之類今所出常啼菩薩須達老婢等是也此即凡夫入聖交際位也三途衆生酬聞法功雖受人天生即時不開悟之類有之尚是容預位也非以善趣聞法者皆

屬容預以惡趣聽法流悉定交際器矣上已地住以上
等者如次舉於別圓證位問地前住前人何攝乎答
四位廢立且約入聖圓住前人屬交際位別地前人屬
容預位善惡交際者天台宗釋被接云兩理交際即
其證也止觀第四私記云善惡交際者謂昔乘種隱在
惡中惡業已謝乘種將現急值強緣即得無生九厥
一切小善小惡上已感大果報是善惡交際大善大惡得
小果報是善惡容預集如往生要上已一類之人者此位中
人多分常可得聞法然依有障聞法甚難故云一類
常啼老女者其因緣如上魔所障者老女因緣善惡

容預者緩弱之義問此四位攝一切凡聖盡答有云
亦也唯除佛果凡舉二位聖舉二位問近代往生機
四中何答有云第三中攝但判捨凡等捨穢入淨義
亦分同有云第三既判捨凡之位非往生機第四中
者若生厭欣心可許往生但釋雖聞無巨益者且釋
過邊有云今集意惣許凡聖生故四位俱往生機謂
第一極惡機往生謗法闡提回心皆往又釋五惡性
迴心生之文思之第二第三賢聖往生如大經說第
四常沒凡夫當體迴心可往今不別判往生之機即
其意也今云三義俱各非無其謂凡於此四第二第

三、往生、勿論、但、非、觀、經、所、說、之、機、取、第、一、與、第、四、迴、心、之、邊、可、為、機、也、難、云、或、定、無、聞、法、或、判、無、巨、益、何、許、往、生、益、答、只、是、舉、未、迴、心、當、體、如、彼、謗、法、無、信、雖、屬、不、受、之、機、亦、許、迴、心、皆、往、即、其、證、也、又、經、說、為、煩、惱、賊、之、所、害、者、釋、述、常、沒、常、流、轉、是、非、第、四、機、類、分、乎、弥、陀、本、願、他、力、妙、術、寧、捨、此、機、令、流、轉、乎、問、此、四、位、於、凡、夫、一、位、亦、可、論、之、答、此、四、位、決、般、舟、聞、法、得、益、上、疑、其、信、益、者、即、是、往、生、故、今、約、凡、應、分、四、位、通、聖、凡、約、入、聖、者、四、相、顯、故、若、偏、約、凡、義、相、區、分、故、例、上、慢、地、住、常、啼、詳、四、位、相、識、凡、四、位、謂、第、一、位、自、性

惡人第二位、即自性善人第三、善惡俱強之人、如彼、滿中賴義等類、第四、常人、如云、如是人觸目皆是等、也、問、世、有、惡、心、增、強、聞、而、謗、墮、可、攝、何、耶、答、是、第、一、攝、雖、聞、而、謗、如、不、聞、故、第、二、明、毀、因、緣、中、五、劫、墮、獄、者、問、般、若、等、說、謗、法、受、苦、無、數、劫、何、答、經、經、異、說、或、准、五、逆、五、劫、時、分、歟、罪、當、道、等、者、覺、經、等、文、意、也、然、諸、師、所、釋、者、鸞、師、元、曉、以、胎、生、人、不、入、三、輩、義、寂、慢、興、即、攝、三、輩、清、淨、法、界、者、問、理、智、中、何、答、相、宗、意、理、問、若、尔、何、以、佛、智、配、之、答、智、性、故、呼、理、名、智、如、云、楞、伽、經、中、兼、說、識、性、

第九助道資緣、即有標釋此集、前後有三、助法助念

親俱要行故次正修示餘二通縵故在文末今資緣是定有之法故次示乏下人法是不必定俱故後示之釋有六番問答初一示資緣次五決疑初中一明自資二况復下重明他資若無道意自資尚度况有他資若有道意兩緣必備一緣尚足况二整足如木椹經云王常誦念雖親軍族不廢捨此具如觀念門所引出家三類等者止觀第四具五緣中第二衣食具足文云衣者遮醜陋遮寒熱遮蚊虻飾身體衣有三種雪山大士絕形深洞不涉人間結草為席被庶皮衣無受持說淨等事堪忍力成不煩温厚不遊人

間無煩支助此上人也十二頭陀但畜三衣不多不少出聚入山被服齋整故立三衣此中士也多寒國土聽百一助身要當說淨趣足供事無得多求多求辛苦守護又苦妨自行復擾檀越少有所得即便知足下士也食者三處論食可以資身養道一深山絕跡去遠人民但一菜一菓餅松柏以續精氣如雪山甘香藕等食已繫心思惟坐禪更無餘事如是食者上士也二阿蘭若處頭陀抖擻絕放牧聲是修道處分衛自資七佛皆明乞食法方等般若法華皆云乞食路逕若遠分衛勞妨若近人物相喧不遠不近乞

食便易是中士也三既不能絕穀餅菓又不能頭陀
乞食外護檀越送食供養亦可得受又僧中如法結
淨食亦可得受下士也四鹿皮是宿生具亦非法
衣何為道服答上下衣食只隨所應上下互有開遮
各為道法雪山絕跡誰供衣食徧尊道法須識通塞
鹿皮遮寒尤宜也祖師云老倒而自然死鹿等皮也
有云四分制之十誦許之云若為結緣欵如空也緣
常乞食者大論云受請食者若得起慢不得懊惱受
僧食者隨眾事多心散妨道受常乞食也糞掃衣者
大論云好衣難覓亦招賊難故受衲衣等法也名旬

上云十誦云四種糞掃衣一塚間暴死人衣二暴死
人已持來施比丘三無主衣四生衣謂巷陌塚間弃
物也檀越等者寄歸傳云梵云陀那鉢底譯為施主
而檀越者本非正譯略去那字取上陀音轉名為檀
更加越字意導由行檀捨自可越度貧窮妙釋雖然
終乖正本也明他資中若分別等者應無所住而得
實法若取實相即成法塵豈是無相無所積聚者無
貪心故也二決疑中初三直決次二因論初凡夫不
必等者有云此集一部三卷始終以此釋正為本意
見之得意為我等者隨佛化意雖剃鬚髮見愛羅刹

侵奪浮囊，尚有道意，冥得所須，世多改形，徧嗜名利，是國大賊，可恐可悲。壞三世諸佛報身者，為佛出家，設雖破戒，已得佛種，必得菩提，同前佛體。若加非法，惱亂，即成破壞。前得體同，諸佛迦吽富單那者，經音義云：此云極臭鬼，或言奇臭鬼。上著袈裟片者，如龍王免金翅鳥怖之因緣也。無乏少者，先師語云：別當大師一心傳戒，云道心中，有衣食衣食，中無道心上。然則後世者，不可願衣食，只可祈道心。賢劫中者，慈恩云：此劫之中，多出賢聖，故云賢劫。上大悲經同之。此報果分作三等者，可感菩提涅槃報之福分，為三。

一分自受用，二分施與他。問：何違自業自得果理？答：雖無他作自受之理，而有緣起難思之義。何況釋尊別意，豈以常理致疑難耶？但可仰信。次問：若破戒等者，大集法不相應，亦當弃捨。文與梵網涅槃雖是異文，其意是同。故重引難况上。唯有非人弃捨。今引人行亦拂跡強，故引別文致問。決耳。若如理苦治等者，問：已有非人捨護，相違。今問標：非人護何？唯決：人苦治。答疑決，意在但會護念苦治相違。故問：若破戒，人天龍所護者，云何國王群臣馳遣破戒者？決：若如理等也。况復為知惱供罪福，因非人行尋決。人行也。問。

如理非理雖異若有苦治則違一向供給何云故不相違答護念苦治其詞雖異如理苦治則護念我若無苦治無救破戒救破戒是護念故云故云不相違又於破戒一護念苦治此開制異故無相違非理惱亂已違聖旨此為相違問傳教大師會涅槃經文云未法燈約正法時作如是說及末法代既無持戒阿明記破戒意今釋何違答今釋再往論之時實可如彼記今不論時取大集意且作此釋犬殺生等者簡於四重部類輕罪也大謂殺入第五錢已上第二邪婬第三證果第四謂之大欵後問人間等者如理非理為擯治別

若非理治違一向供若如理治即順佛教故云可然知罪福者至因論文可知其相若制等者於破戒人苦治各制供養各開同順佛教故云各益末世之中名字比丘為第一寶敬而得福惱而得罪須開生益於無苦治若善比丘成佛法怨若破戒者無懺淨儀須制生益此在因論其相顯了因論中於彼犯戒等者問供養惱亂亦是前事何云因論答前就他資直論供惱今就供惱更論罪福故云因論十輪經云等者地截十輕經四云過去有佛名般遮羅王名勝軍統領彼國時彼有一大丘壙所名竭藍婆甚可怖畏

藥叉羅刹多住其中。至時國有人罪應合死。王勅典獄縛其五處。送竭藍婆。乃令諸惡鬼食噉其身。罪人聞已為護命故。即剃鬚髮。求覓袈裟。乃自繫其頸。時典獄者如王所勅。縛其五處。送丘壙中。諸人還已。至於夜分。有大羅刹女。名刀劍眼。與五千眷屬來入家間。罪人遙見。身心驚悚。時羅刹母見有此人被縛五處。剃除鬚髮。片赤袈裟。繫其頸下。即便右遶。尊重頂禮。合掌恭敬。而說頌言。人可自安慰。我終不害汝。見剃除染衣。令我憶念佛。時羅刹子白其母言。汝我為飢渴甚逼。切身心願聽食。此人息苦。身心樂時。羅刹

母便告子言。被恒河沙佛解脫。幢相衣於此起。惡心定墮無間獄。羅刹子與諸眷屬右遶此人。尊重頂禮。合掌恭敬。而說頌言。懺悔染衣人。我寧於父母造身語。意惡於汝。終無害。至時諸羅刹母子眷屬同起。慈悲解此人。縛懺謝慰諭。歡喜放還。此人清旦疾。至王所以如上事。具白於王。時勝軍王及諸眷屬聞之。驚躍。歎未曾有。即立條制。顧告國人。自今以後。於我國中有佛弟子。若持戒若破戒。下至無戒。但剃髮鬚。被服袈裟。諸有侵陵。或加害者。當以死罪而刑。罰之由。此因緣。眾人慕德。漸化。王瞻部州。皆共誠心歸。

敬三寶方億佛身血等者如法師品釋云毀如來之
罪輕無待故毀行者之罪重有待故也問若尔一向
等者問上决一向拂跡供給乖角而云若制若開各生
益今何重言答直决因論其意是異謂直决於如理
治成巨益今約非理苦治答若等者問非理惱亂成
墮獄及多出万億佛身血罪何今許之答上於無過
非理治故成其大罪今於壞正法苦治故可成其德
阿蘭若者木論云雖出家還屬師徒心復燒亂故受
蘭若上若過等者非理惱亂名為苦過不制應治名
為不及若得兩間消釋疑慮意氣故云消息有云氣色也云

第十助道人法則有標釋人者初二明師同行法者
後一即經法也入法不離故合一聚上來厭欣正修
等法即入法力故雖已備為令人識今追示之問如
彼止觀得善知識有三種人今何別科答助法多種
類聚意別彼中外護是人故合人三今明三類衣食
下根自有外護故為別科釋自為二初一須業者身口律
儀為外意地律儀為內謂大小乘俱有遠方便及十善惡後三
是也問徃生道師宜明淨教所以下舉衆部法非是戒律何云內
外律答戒是法元設淨土師何闍戒相又上惣結徃生諸業即
攝戒品又引止觀明明師善內外律今何可忽沒次如共涉

險者止觀云同船又阿難言者報恩經也後分為二初明直
論二明因明初亦為二一用教意二問答決疑於中初一標
示要教次三遮過初西方證據皆是其文者問何以不云念
佛證據答雖可指二西方證據多舉經論從多指之有云
西方證據讓上所引故云如前正明以下重明念佛證據之文
云三經者上有五經近指次上觀經大經雖有修法唯標行
名未細方法故不如觀佛經等委悉廣勸日日讀誦者文少
義豐謂說本願正因明證誠實語光明大師勸誦十方卷今師
自書懸頸下問何不列經中答類聚修行方法合標三經及十
住論指讀誦部更標小經問摩訶非淨土行如何答以彼擬今

其儀甚適故上引彼次勞著此文者問指何文者問
指何文耶答有云別指次上所舉經論惣通一部云云
今云非指次上惣指一部故祖師云以今此文為廣
略如予等者問序是他筆何今舉耶答集主得彼自
為序文今亦指彼有何乖也損壞他法等者諍宗義
時彼此所依經法無殊若無殊異難決精麁故消他
法加文外義永失正義故云損壞况深法屬淺其過
弥甚又難知兩經文同為勝劣故藏他彰自故云闡
藏况藏深益是不當也任已執情引他經云此經文
法是所詮經是能詮互舉而已凡不量佛意不存利

益為名利等亂引之時感盲報狀或復於彼十法行者中邊論等所說十種法行如決疑抄抄自此句至畧之无
第三求觀已下流通問經流通客在題內如何答經流通者或佛勸學或集經語故在題內今後夢事故不同經寺諸釋序題內外殊云云已依聖教等者唯識文意問誰人造此偈答有云依他夢告今師造之有云多門天造見慈慧傳矣聖教等者能詮云聖教所詮云正理若依聖教何違所詮雖亦愚迷雖依能詮正理今師能所符契利益弘廣問願共誰願答

見聞之倫願證菩提或偈主願

往生要集卷下義記第八終

寬永辛巳仲冬日
書舍理兵衛刊行

文政三庚辰复

施主

高橋氏

室



